



Broj: 02-05-32000-14.1.1/11
Sarajevo, 22.12.2011. godine

Na osnovu čl. 22 i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 – Prečišćeni tekst) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09 i 22/11), Vlada Kantona Sarajevo, na 47. sjednici održanoj 22.12.2011. godine, donijela je sljedeći

Z A K L J U Č A K

1. Utvrđuje se Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog preduzeća "ZOI '84" Olimpijski centar Sarajevo d.o.o. Sarajevo.
2. Predlaže se Skupštini Kantona Sarajevo da, u skladu sa Poslovnikom Skupštine Kantona Sarajevo, doneše odluku iz tačke 1. ovog Zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo privrede
5. KJP "ZOI '84" Olimpijski centar Sarajevo d.o.o. Sarajevo
(putem Ministarstva privrede)
6. Evidencija
7. A r h i v a



web: <http://vlada.ks.gov.ba>

e-mail: premijer@ks.gov.ba;

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1



Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09 i 22/11), Skupština Kantona Sarajevo, na sjednici održanoj _____ 2011. godine, donijela je

P r i j e d l o g

ODLUKU

O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINE KANTONALNOG JAVNOG PREDUZEĆA "ZOI '84" OLIMPIJSKI CENTAR SARAJEVO D.O.O. SARAJEVO

I

Ovom Odlukom potvrđuje se razrješenje vršilaca dužnosti predsjednika i četiri člana Skupštine Kantonalnog javnog preduzeća "ZOI '84" Olimpijski centar Sarajevo d.o.o. Sarajevo (u daljem tekstu: Skupština preduzeća), i to:

1. Milan Duka, vršilac dužnosti predsjednika Skupštine,
2. Suad Keško, vršilac dužnosti člana Skupštine,
3. Mirsudin Rašidagić, vršilac dužnosti člana Skupštine,
4. Midhat Hubijar, vršilac dužnosti člana Skupštine,
5. Bekir Šuško, vršilac dužnosti člana Skupštine.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

PREDSJEDAVAJUĆA
SKUPŠTINE KANTONA SARAJEVO

Prof. dr. Mirjana Malić

Broj: _____ /11

_____ 2011. godine

S A R A J E V O

O B R A Z L O Ž E N J E

PRAVNI OSNOV

Pravni osnov za donošenje predložene Odluke sadržan je u odredbi člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09 i 22/11).

RAZLOZI ZA DONOŠENJE

Odlukom o potvrđivanju imenovanja vršilaca dužnosti predsjednika i članova Skupštine Kantonalnog javnog preduzeća "ZOI '84" Olimpijski centar Sarajevo d.o.o. Sarajevo ("Službene novine Kantona Sarajevo", broj 26/11) Skupština Kantona Sarajevo imenovala je vršioce dužnosti predsjednika i četiri člana Skupštine Kantonalnog javnog preduzeća "ZOI '84" Olimpijski centar Sarajevo d.o.o. Sarajevo, na period do donošenja odluke o konačnom imenovanju, a najduže do 60 dana.

Ponovni javni oglas za izbor kandidata na pozicije predsjednika i članova skupština kantonalnih javnih preduzeća

1. KJP „ZOI '84“ Olimpijski centar Sarajevo d.o.o. Sarajevo
2. KJP Centar „Skenderija“ d.o.o. Sarajevo
3. KJP „Poljoprivredno dobro Butmir“ d.o.o. Sarajevo
4. KJP „Veterinarska stanica Sarajevo“ d.o.o. Sarajevo
5. KJP za gospodarenje državnim šumama „Sarajevo-šume“ d.o.o. Sarajevo

objavljen je u dnevnim novinama "Oslobođenje" dana 29.10.2011. godine i "Službenim novinama Federacije Bosne i Hercegovine", broj 73/11 od 02.11.2011. godine i dopuna navedenog oglasa objavljena u dnevним novinama "Oslobodenje" dana 05.11.2011. godine i "Službenim novinama Federacije BiH", broj 78/11 od 16.11.2011. godine.

Zbog isteka perioda na koji su imenovani vršioci dužnosti predsjednika i članova Skupštine Kantonalnog javnog preduzeća "ZOI '84" Olimpijski centar Sarajevo d.o.o. Sarajevo, predlaže se Skupštini Kantona Sarajevo da doneše Odluku o potvrđivanju razrješenja vršilaca dužnosti predsjednika i članova Skupštine Kantonalnog javnog preduzeća "ZOI '84" Olimpijski centar Sarajevo d.o.o. Sarajevo.

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cijelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI**A) ZAKONODAVNA VLAST**

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini trje 2 (dvije) godine.

Član 18.

Nadležnosti Skupštine

- Skupština Kantona:
- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnik u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasjeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donešenim odlukama se objavljaju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).



SLUŽBENE NOVINE KANTONA SARAJEVO

Godina XIV – Broj 25

Četvrtak, 3. septembra 2009. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu člana 38. stav (1) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 31/04), člana 46. Zakona o budžetima u Federaciji BiH ("Službene novine Federacije BiH", broj 19/06, 76/08 i 5/09), čl. 38., 40. i 41. Zakona o dugu i zaduživanju i garancijama u Federaciji Bosne i Hercegovine ("Službene novine Federacije BiH", broj 86/07), i čl. 15. i 16. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", broj 3/08 i 16/09), Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O PRIHVATANJU SUPSIDIJARNOG ZADUŽIVANJA KOD FEDERACIJE BIH ZA SREDSTVA KREDITA MMF-a (MEDUNARODNI MONETARNI FOND) PO III STAND BY ARANŽMANU

I.

Prihvata se supsidijarno zaduživanje Kantona Sarajevo kod Federacije BiH za sredstva MMF-a po III Stand by aranžmanu u iznosu od KM 49,900.000,00.

II.

Sredstva kredita koristit će se za pokriće viška rashoda nad prihodima iz Budžeta Kantona Sarajevo za 2008. godinu u iznosu od 21.457.500,00 KM i dijela realizacije kapitalnih investicija planiranih u Budžetu Kantona Sarajevo za 2009. godinu u iznosu od 28.442.500,00 KM.

III.

Kreditna sredstva bit će doznačena Kantonu Sarajevo u III. i IV. kvartalu 2009. godine.

IV.

Kreditna sredstva odobravaju se pod sljedećim uslovima:

- rok otplate 5 godina,
- grage period 3 godine, uračunat u rok otplate, počev od doznačavanja sredstava,
- otplata kredita će se vršiti u 8 jednakih kvartalnih rata nakon isteka grage perioda,
- kamatna stopa promjenjiva (u vrijeme odobravanja aranžmana iznosila je 1,45% godišnje) i određuje je MMF za SDR (Specijalna Prava Vučenja),

– ostali troškovi kredita bit će obračunati Kantunu Sarajevo po uslovima pod kojim je sredstva dobila Federacija BiH.

V.
Za realizaciju ove Odluke zadužuje se Ministarstvo finansija Kantona Sarajevo.

VI.
Ova Odluka stupa na snagu narednog dana od dana objavljivanja u "Službenim novinama Kantona Sarajevo".
Broj 01-05-23447/09
3. septembra 2009. godine
Pređsjeđavajući
Skupštine Kantona Sarajevo
Sarajevo
Dr. Denis Zvizdić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O OSNIVANJU SKUPŠTINA JAVNIH PREDUZEĆA ČIJI JE OSNIVAČ KANTON SARAJEVO

Član I. (Predmet Odluke)

Ovom Odlukom Kantona Sarajevo, kao osnivač kantonalnih javnih preduzeća, utvrđuje način imenovanja, sastav i način rada skupština i broj članova nadzornih odbora javnih preduzeća čiji je osnivač, i to:

1. Kantonalno javno komunalno preduzeće "VODOVOD I KANALIZACIJA" d.o.o.
2. Kantonalno javno komunalno preduzeće "TOPLANE-SARAJEVO" d.o.o. Sarajevo;
3. Kantonalno javno komunalno preduzeće za snabdijevanje prirodnim gasom "Sarajevagas" d.o.o. Sarajevo;
4. Kantonalno javno komunalno preduzeće "RAD" d.o.o. Sarajevo;
5. Kantonalno javno komunalno preduzeće "PARK" d.o.o. Sarajevo;

- e 6. Kantonalno javno komunalno preduzeće za sahrane i upravljanje grobljem "POKOP" d.o.o. Sarajevo;
7. Kantonalno javno komunalno preduzeće "TRŽNICE-PIJACE", d.o.o. Sarajevo;
8. Kantonalno javno komunalno preduzeće "GRADSKI SAOBRAĆAJ", d.o.o. Sarajevo;
9. Javno preduzeće "Televizija Kantona Sarajevo", Društvo sa ograničenom odgovornošću Sarajevo;
10. Kantonalno javno preduzeće "ZOI 84" OLIMPIJSKI CENTAR SARAJEVO, Društvo sa ograničenom odgovornošću Sarajevo;
11. Kantonalno javno preduzeće "Veterinarska stanica Sarajevo" d.o.o. Sarajevo;
12. Kantonalno javno preduzeće za gospodarenje državnim šumama "Sarajevo-Šume" d.o.o. Sarajevo;
13. Kantonalno javno preduzeće "Poljoprivredno dobro Butmir" d.o.o. Sarajevo-Ilidža;
14. Kantonalno javno preduzeće Centar "Skenderija" d.o.o. Sarajevo (u daljnjem tekstu: KJP).

Član 2.
(Skupštine KJP)

- (1) Svako KJP iz prethodnog člana ima skupštinu, koja se sastoji od predsjednika i dva člana (u dalnjem tekstu: Skupština KJP).
- (2) Mandat članova Skupštine KJP je dvije godine.
- (3) Predsjednik i članovi Skupštine KJP imaju pravo na naknadu za svoj rad, koja se utvrđuje posebnom odlukom Vlade Kantona Sarajevo.

Član 3.
(Imenovanje predsjednika i članova Skupštine KJP)

- (1) Imenovanje predsjednika i članova Skupštine KJP vrši se na način da iste, na prijedlog resornog ministarstva, uz saglasnost Vlade Kantona Sarajevo, potvrđuje Skupština Kantona Sarajevo.

Član 4.
(Procedura imenovanja)

- (1) Odluke o kriterijima za imenovanje predsjednika i članova skupština KJP donosi Vlada Kantona Sarajevo, u roku od 15 dana od dana donošenja ove Odluke.
- (2) Proceduru imenovanja Skupštine KJP provode resorna ministarstva, u skladu sa Zakonom o ministarskim, vladinim i drugim imenovanjima Federacije Bosne i Hercegovine.
- (3) Javni oglas za imenovanje predsjednika i članova Skupština KJP raspisuju resorna ministarstva, u roku od 15 dana od dana donošenja odluka iz stava 2. ovog člana.

Član 5.
(Rok za imenovanje)

Rok za imenovanje predsjednika i članova Skupština KJP je 90 dana od dana stupanja na snagu ove Odluke.

Član 6.
(Rok za donošenje Poslovnika o radu)

Skupština KJP dužna je u roku od 15 dana od dana imenovanja usvojiti Poslovnik o radu Skupštine.

Član 7.
(Razrješenje predsjednika i članova Skupština KJP)

Razrješenje predsjednika i članova Skupština KJP vrši se na način propisan u članu 3. ove Odluke, a proceduru razrješenja mogu pokrenuti resorni ministar, Vlada Kantona Sarajevo i Skupština Kantona Sarajevo.

Član 8.
(Broj članova nadzornih odbora KJP)

Nadzorni odbori KJP imaju predsjednika i dva člana, koji će se imenovati nakon isteka mandata sadašnjih predsjednika i članova nadzornih odbora.

Član 9.
(Prestanak važenja odredaba osnivačkih akata i rok za uskladivanje)

- (1) Stupanjem na snagu ove Odluke prestaju da važe odredbe osnivačkih akata KJP iz člana 1. Odluke, koje su u suprotnosti s ovom Odlukom.
- (2) Osnivački akti KJP, statuti i druga opća akta uskladiće se sa odredbama ove Odluke u roku od 30 dana od njenog stupanja na snagu.

Član 10.
(Imenovanje vršilaca dužnosti predsjednika i članova skupština KJP)

Do konačnog imenovanja skupština KJP, Skupština Kantona Sarajevo imenuje vršioce dužnosti predsjednika i članova skupština KJP, na način da iste, na prijedlog resornog ministarstva, uz saglasnost Vlade Kantona Sarajevo, potvrđuje Skupština Kantona Sarajevo.

Član 11.
(Stupanje na snagu)

Ova Odluka stupa na snagu danom donošenja, a u objavit će se u "Službenim novinama Kantona Sarajevo".

Broj 01-05-23450/09
3. septembra 2009. godine
Skupštine Kantona Sarajevo
Dr. Denis Zvizdić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O IZMJENAMA I DOPUNAMA ODLUKE O USKLADIVANJU STATUSA KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" SARAJEVO SA ZAKONOM O JAVnim PREDUZEĆIMA U FEDERACIJI BOSNE I HERCEGOVINE

Član 1.

U Odluci o uskladivanju statusa Kantonalnog javnog komunalnog preduzeća "Vodovod i kanalizacija" Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 30/05 i 30/08), član 8. mijenja se i glasi:

"Član 8.

Preduzeće obavlja djelatnost i to:

- 41.00 41.000 Sakupljanje, prečišćavanje i distribucija vode
- 45.11 45.110 Rušenje i razbijanje objekata; zemljani radovi
- 45.212 Izgradnja objekata niskogradnje
- 45.213 Održavanje objekata visokogradnje, niskogradnje i njihovih dijelova
- 45.23 45.230 Izgradnja saobraćajnica, aerodromskih pista i sportskih terena
- 45.241 Izgradnja hidrogradičkih objekata
- 45.242 Održavanje hidrogradičkih objekata
- 45.31 45.310 Postavljanje električnih instalacija i opreme
- 45.33 45.330 Postavljanje cijevnih instalacija
- 45.34 45.340 Ostali instalacioni radovi
- 50.20 50.200 Održavanje i popravak motornih vozila
- 74.20 74.200 Arhitektonske i inženjerske djelatnosti i tehničko savjetovanje



SLUŽBENE NOVINE KANTONA SARAJEVO

Godina XVI – Broj 22

Ponedjeljak, 5. septembra 2011. godine
S A R A J E V O

ISSN 1512-7052

KANTON SARAJEVO

Skupština Kantona

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 5. septembra 2011. godine, donijela je

ODLUKU

O IZMJENI ODLUKE O OSNIVANJU SKUPŠTINA JAVNIH PREDUZEĆA ČIJI JE OSNIVAČ KANTON SARAJEVO

Član 1.

U Odluci o osnivanju skupština javnih preduzeća, čiji je osnivač Kanton Sarajevo ("Službene novine Kantona Sarajevo", broj 25/09), u članu 2. stav 1., riječi: "dva člana", zamjenjuju se riječima: "četiri člana".

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19039/11
5. septembra 2011. godine
Skupštine Kantona Sarajevo
Prof. dr. Mirjana Malić, s. r.

Na osnovu člana 111. Poslovnika Skupštine Kantona Sarajevo ("Službene novine Kantona Sarajevo", broj 25/10 - Novi prečišćeni tekst), Skupština Kantona Sarajevo, na sjednici održanoj 5. septembra 2011. godine, povodom razmatranja Programa rada sa Finansijskim planom Kantonalne javne ustanove "Porodično savjetovalište" za 2011. godinu, donijela je

ODLUKU

I.

Daje se saglasnost na Program rada sa Finansijskim planom Kantonalne javne ustanove "Porodično savjetovalište" za 2011. godinu, koji je sastavni dio ove Odluke.

II.

Ova odluka će se objaviti u "Službenim novinama Kantona Sarajevo".

Broj 01-05-24631/11
5. septembra 2011. godine
Skupštine Kantona Sarajevo
Prof. dr. Mirjana Malić, s. r.

